



CANTON SARAJEVO
**Ministry of Labour, Social Policy, Displaced
Persons and Refuges**

Broj: 13-01/2-14-2937-1/19
Sarajevo, 22.05.2019. godine

Na osnovu čl. 70. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), čl. 214. Zakona o upravnom postupku ("Službene novine Federacije BiH", br. 2/98 i 48/99) i čl. 13. Sporazuma o osnivanju Ekonomsko – socijalnog vijeća za područje Kantona Sarajevo, br. 02-05-332000-19.1/05 od 03.02.2006. godine, 02-05-1305-16/11 od 30.06.2011. godine i 02-05-23316-25/16 od 14.07.2016. godine, ministar za rad, socijalnu politiku, raseljena lica i izbjeglice Kantona Sarajevo donosi:

DOPUNSKO RJEŠENJE

1. Rješenje Ministarstva za rad, socijalnu politiku, raseljena lica i izbjeglice Kantona Sarajevo, broj: 13-01/2-14-2937/19 od 07.02.2019. godine, u tački 2. dispozitiva dopunjava se novim stavom koji glasi:
“ • U slučaju neprisustvovanja sjednici člana Ekonomsko – socijalnog vijeća za područje Kantona Sarajevo (u daljem tekstu: Vijeće), naknada istom za rad u Vijeću umanjuje se za 100,00 KM, a isti iznos od 100,00 KM isplatit će se na ime naknade zamjenskom članu Vijeća, ukoliko taj zamjenski član prisustvuje sjednici Vijeća. ”
2. Ovo rješenje stupa na snagu danom donošenja, a primjenjivat će se od 01.05.2019. godine.

O b r a z l o ž e n j e

Rješenjem Ministarstva za rad, socijalnu politiku, raseljena lica i izbjeglice Kantona Sarajevo, broj: 13-01/2-14-2937/19 od 07.02.2019. godine, utvrđena je naknada za rad u Ekonomsko - socijalnom vijeću za područje Kantona Sarajevo članovima i zamjenskim članovima Vijeća.

Članovima Vijeća je utvrđena naknada u iznosu od 300,00 KM mjesečno, a zamjenskim članovima Vijeća u iznosu od 100,00 KM, u slučaju kada član Vijeća nije u mogućnosti da prisustvuje sjednici.



Članu Vijeća, ukoliko ne prisustvuje sjednici Vijeća, novčana naknada se umanjuje za iznos od 100,00 KM, te se ista isplaćuje zamjenskom članu Vijeća, u istom iznosu.

Imajući u vidu navedeno, a u skladu sa članom 214. Zakona o upravnom postupku ("Službene novine Federacije BiH", br. 2/98 i 48/99), doneseno je rješenje kao u dispozitivu.

Ovo rješenje je sastavni dio Rješenja Ministarstva za rad, socijalnu politiku, raseljena lica i izbjeglice Kantona Sarajevo, broj: 13-01/2-14-2937/19 od 07.02.2019. godine.

Pripremila: Aldina Šantić, stručni saradnik

Kontrolisao: Nuriya Hodžić, pomoćnik ministra



Dostaviti:

1. Članovima Ekonomsko – socijalnog vijeća za područje Kantona Sarajevo (x15),
2. Zamjenskim članovima Ekonomsko – socijalnog vijeća za područje Kantona Sarajevo (x15),
3. Ministarstvu za rad, socijalnu politiku, raseljena lica i izbjeglice Kantona Sarajevo (x3),
4. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

